


ՊԱՇՏՆԱԿԱՆ ԱՄՍԱԳԻՐ
 ՀԱՅՐԱՊԵՏԱԿԱՆ ԱԹՈՌՈՅ
 Ս. ԷԶՄԻԱՇՆԻ

X-XI





Ա Ր Ջ Ա Ն Ա Գ Ր Ո Ւ Թ Յ Ո Ւ Ն
ՀԱՅԱՍՏԱՆՅԱՑՑ ԱՌԱՔԵԼԱԿԱՆ ԵԿԵՂԵՑՈՒ ԱԶԳԱՑԻՆ-
ԵԿԵՂԵՑԱԿԱՆ ԺՈՂՈՎԻ, ԳՈՒՄԱՐՎԱԾ 1955 ԹՎԱԿԱՆԻ
ՈՅՊՏԵՄԲԵՐԻ 29-ԻՑ ՀՈԿՏԵՄԲԵՐԻ 7-Ը,
ՄԱՅԻ ԱԹՈՒ Ս. ԷՋՄԻԱԾՆՈՒՄ

Ա Ռ Ա Ջ Ի Ն Ն Ի Ս Տ

Սեպտեմբերի 29-ին, ցերեկվա ժամը 12-ին Ազգային-եկեղեցական սրբազուհար ժողովի հոգևորական և աշխարհական պատգամավորները հավաքվում են Վեհարանի բակում և հանդիսավոր թափոր կազմած, դիմում դեպի Ս. Էջմիածնի Հոգևոր Ճեմարանի մեծ սրահը, ուր կայանալու են Ազգային-եկեղեցական ժողովի նիստերը:

Ժողովը աղոթքով բաց է անում Գերագույն Հոգևոր Խորհրդի նախագահող գերաշնորհ Ս. Վահան արքեպիսկոպոս Կոստանյանը, որից հետո առաջարկում է մեկ րոպեով հոտնկայս հարգել հանրուցյալ Կաթողիկոս երջանկահաշյուտակ Ս. Տ. Գեորգ Զ.ի հիշատակը:

Այնուհետև Ս. Վահան արքեպիսկոպոսը ողջույնի սրտագին խոսք է ասում պատգամավորներին, խոսելով նաև Մայր Աթոռ Ս. Էջմիածնի պատմական դերի, նրա հայրենասիրական և եկեղեցական գործունեության, ինչպես նաև նրա ներկա ու մերձավոր անելիքների մասին: Դիմելով պատգամավորներին, սրբազանը ջերմորեն ողջունում է նրանց ու ցանկանում արդյունավետ աշխատանք այն մեծ գործում, որի համար նրանք էջմիածին են եկել աշխարհի բոլոր ծագերից:

Սրբազանը իր խոսքի մեջ հանգուցյալ Գեորգ Զ. Կաթողիկոսի անվան հետ միասին հիշատակում է նաև վիրջին տարիների ընթացքում վախճանված բարձրաստիճան եկեղեցականներ՝ Մեծի Տանն Կիլիկիո Կաթողիկոս Գարեգին Ա.ի, Կոստանդնուպոլսի Պատրիարքական տեղապահ Ս. Գևորգ արքեպիսկոպոս Արսլանյանի, Եվրոպայի Կաթողիկոսական պատվիրակ Ս. Արտավազդ արքեպիսկոպոս Սյուրմեյանի, Գերագույն Հոգևոր Խորհրդի անդամ Ռուբեն արքեպիսկոպոս Դրամբյանի անունները և նորից առաջարկում է հոտնկայս հարգել նրանց հիշատակը:

Գերաշնորհ Ս. Վահան արքեպիսկոպոսի առաջարկությանը ընտրվում են ժողովի գործադիր մարմինները հիունյալ անձնավորություններից:

Նախագահի փոխանորդներ:

1. Ս. Մամբրե արքեպիսկոպոս Սիրունյան (առաջնորդ Ազգպտահայ թեմի):

- 2. Տ. Մամբրե արքեպիսկոպոս Գալֆայան (առաջնորդ Հյուսիսային Ամերիկայի հայոց Արևելյան թեմի)։
- 3. Տ. Վաղֆեն եպիսկոպոս Պալճյան (առաջնորդ Ռումինահայ և Բուլղարահայ թեմերի)։

Ատենապետներ.

- 1. Ակադեմիկոս Ավետիք Իսահակյան (Վարպետ)։
- 2. Ակադեմիկոս Մարտիրոս Սարյան։
- 3. Պ. Հրանտ Նասիպյան (Եզիպտոսից)։
- 4. Պ. Մարգիս Քյուրքճյան (Լոնդոնից)։

Քարտուղարություն.

- 1. Շնորհք ծայրագույն վարդապետ Գալստյան (առաջնորդ Կալիֆորնիայի)։
- 2. Պ. Հայկ Առաքելյան (Մայր Աթոռի դիվանապետ)։
- 3. Պ. Սմբատ Դուլխաթյան (Վրաստանի թեմից)։

Խմբագրական հանձնաժողով.

- 1. Տ. Սերովբե ծայրագույն վարդապետ Մանուկյան (Կաթողիկոսական պատվիրակ Եվրոպայի)։
- 2. Պրոֆ.-դոկտ. Ա. Գ. Աբրահամյան։
- 3. Պրոֆ.-դոկտ. Ա. Ղարիբյան։

Մանդատային հանձնաժողով.

- 1. Տ. Հայկազուն վարդապետ Արրահամյան (ներկայացուցիչ Երուսաղեմի Պատրիարքական Աթոռի)։
- 2. Պ. Հմայակ Սեղդարյան (Մայր Աթոռի ֆինանսատնտեսական բաժնի պետ)։
- 3. Պ. Հայկ Առաքելյան (Մայր Աթոռի դիվանապետ)։

Ժողովը վարող գործադիր մարմինների ընտրությունից հետո նախագահ Կերաշնորհ Տ. Վահան արքեպիսկոպոսը ժողովի ատենապետության է հրավիրում Պ. Մարգիս Քյուրքճյանին և խոսքը տալիս է Ռուս Պրավոսլավ Եկեղեցու ներկայացուցիչ միտրոպոլիտ Պիտրիմին, որը ռուսերեն լեզվով կարդում է Մոսկվայի և Համայն Ռուսիո Պատրիարք Նորին Արքայնություն Ալեքսի ուղերձը, որով նա իր մաղթանքներն ու օրհնությունն է հղում Ազգային-եկեղեցական ժողովին՝ ցանկանալով նրան արդյունավետ աշխատանքի ուղերձի թարգմանությունը կարդում և հոգեշնորհ Տ. Գևորգ ծայրագույն վարդապետ Վաթյանը, որից հետո հայտարարվում է ընդմիջում, որպեսզի հնարավորություն տրվի մանդատային հանձնաժողովին իր պարտականությունները կատարելու։

Ընդմիջումից հետո ժողովը վերսկսում է ժամը 2.15-ին Գերաշնորհ Տ. Վահան արքեպիսկոպոսը վերստին առաջարկում է հոտնկայս հոգվոց ասել երջանկահիշատակ Տ. Տ. Գեորգ Զ. Կաթողիկոսի հիշատակին։

Մանդատային հանձնաժողովի կողմից հայտարարություն են անում Տ. Հայկազուն ծայրագույն վարդապետ Արրահամյանը և Պ. Հայկ Առաքելյանը։ Տրված տեղեկագրից պարզվում է, որ Ազգային-եկեղեցական ժողովի հրավիրված սիյուլոքահայության պատգամավորներից ներկա են 32 հոգի, ըստ հետևյալ ցանկի.

Կալիֆորնիայից	4	հոգի
Ֆրանսիայից	5	"
Բուլղարիայից	3	"
Հյուսիսային Ամերիկայի Արևելյան թեմից	9	"
Երուսաղեմից	2	"
Եգիպտոսից	3	"
Անգլիայից	2	"
Ռումինիայից	2	"
Կիլիկիայի Կաթողիկոսությունից	2	"